

八瓊室金石補正

八瓊室金石補正卷八十四

太倉陸增祥撰

男 繼輝校錄

吳興劉承幹覆校

宋

修周康王廟碑

高五尺六寸廣二尺九寸廿五行行五十字字徑七分
行書額三行題大宋新修周康王廟碑九字正書
在咸陽

大宋新修周康王廟碑并序

朝□郎□宗正丞□□守廟事臣黃遜浮奉 勅撰
翰林待詔□□□□□□□□□□臣孫崇望奉

勅書

臣嘗覽聖哲之□□□□□之□□唐□□□□□
□□□□□□□□□□□越周室周室之盛可得
而言文王則大統未集武王則天下初定成王則管蔡
流言其能安於□□□□□仁□□□□□□□□
□□□□矣王名釗即文王之曾孫武王之孫成王之
元子也在位二十六年布政和平撫民安樂故謚曰康
若乃肇自后稷降及古公相九土而教三農播百穀而
利万世源派貫於天地功名□於日月故□得此□□
也□□□□□□□□□三后天下已安誠能安不忘危

遂有報諸侯之詰其辭則尊烈祖之訓畏上天之威□
先公之□使心在王室於是羣公□□□方無虞洎嗣
聖一紀海內大治復能治不忘亂故作畢公之命其旨
則保成周之眾殄商俗之□□世祿之家俾人興禮義
於□道洽政治澤潤生民所以三十□□□□□景
祚□□措刑不用垂拱仰成者惟王爲盛矣嗚呼□世
之下令德□存陵廟□□祭祀絕矣不逢
大聖

孰主至神

我應天廣運聖文神武明道至德仁孝皇帝□□下之
十四載聖政日新睿謀天贊□武功則威加四海敷文

德則化洽万邦書軌由是混同蠻夷以之率服千古之
闕文盡補百王之墜典咸修□德及於三靈仁化洽於
万彙一日上曰朕自撫興運思致太平既時和

年豐遠安邇肅□□□降祐故三陳告□□□□□
□□社垂休故每遵□□□陟□之禮所以五嶽四海名
山大川並葺靈祠用荅元眎唯□□明王聖帝

俱有異德殊功□皆□廟荒殘祭饗乏絕□神道設教
有感則通法施於人無德不報若禹湯共桀紂齊泯則
治乱□興亡無分將何以經□化□垂□□□於是

勅彼郡縣委其□宰官給資用民無煩勞廟貌有

圖授成規而各令規建□□有數公禮□□而並使增修
此廟告成乃□曲盡觀其廣殿穹崇而嶽立□□回繞
而霞連繡闥文楣始盡丹青之飾虹梁鴛瓦□□□氣
之成□□之羽衛增嚴□□之明靈有託於是□庭既
設祀事□□□□之用咸臻巨甌之容畢脩祿禮文而
四時有奉□□典而万代無窮□□□□□□□□
□□者矣將傳不朽□勒貞珉下臣幸立□庭□□

睿旨徒罄直書之筆莫昭盛□□□□□□曰

大哉后稷 德合無疆 播□□□□□濟□□□□

□□茂源遠流長文猶事紂武乃克商流言

管蔡成道災祥周室之盛莫越康王嗣□□

□□民治國□□□□修一德詔令諸侯

化安九域畢命既行高風自息不宰之功

莫知其極百□□□□□□□□□□道

越伊周咸昭盡善文質俱優□□萬彙德服

諸侯明靈昭薦廟貌增修□□□□□□

□□□□□□□□永安□□

開寶六年歲次癸酉二月辛巳朔十五日乙未建

宋祖尊前代帝王寢廟文武成康皆有之今碑存者

獨成康耳而康王碑斷泐不可讀開寶六年黃遜浮
撰孫崇望行書亦與唐太宗碑同時而王元美題憲
宗廟碑謂宋祖注意憲宗蓋未見周成康唐太宗諸
碑耳崇望待詔書院者一時習尚故不離通微院體
也

石墨
鐫華

文有云我應天廣運聖文神武明道至德仁孝皇帝
宋太祖紀乾德元年十一月百官上尊號曰應天廣
運仁聖文武至德皇帝開寶元年十一月上尊號曰
應天廣運大聖神武明道至德仁孝皇帝與此聖文

者異

關中金
石記

宋史太祖紀開寶三年九月甲辰詔所在有司周文
武成康秦始皇漢高祖文景元成哀後魏孝文西魏
文帝後周太祖唐高祖太宗中肅代德順文武宣懿
僖昭諸帝凡二十七陵

案所列凡二十八帝

嘗被盜發者備法

服常服各一襲具棺槨重葬長史致祭增守陵戶各
二未及勅修各廟事據萃編所載有新建商中宗周
武王漢光武唐高祖太宗五廟碑今復得女媧周康
王後周太祖三碑皆建於開寶六年商中宗碑云粵
以開寶辛未歲經始以壬申歲畢功則修廟之詔當
下於開寶四年宋史禮志云太祖平廣南命李昉盧

多遜王祐扈蒙等分撰嶽瀆祠及歷代帝王碑遣翰林待詔孫崇望等分詣諸廟書於石未著其年月平廣南乃開寶四年正月事修廟立碑即其時也此碑書者爲孫崇望萃編載周武王漢光武唐太宗三碑皆崇望奉勅書此碑崇望銜缺十一字據萃編所載補注於旁撰文者黃遜浮名不見於傳記銜缺四字無可補矣

筠清館金石記

會善寺尹輔詩刻

高一尺二寸三分廣二尺四寸廿行
行字不等字經七分正書在登封

大德偃卧林泉因求聞達蓋以道行人著聲華

自高故得

丹詔遠臨

紫衣就降信有光于法侶是以榮彼僧門輔方
捐道風備嘗

真味喜觀

殊命形諸詠言謹錄咨

呈幸希

采覽

登仕郎試大理司直守登封縣令賜緋魚袋尹輔上
支遁行藏惠遠才幾年嵩少避浮埃

八行丹詔雲間落一對紫衣天上來誦律夜窻寒月皎
閉門秋渚白蓮開名高自達

君王聽就降

殊恩不假媒

開寶六年歲次癸酉二月十六日題記

修蒼頡祠頌碑并陰

高四尺三寸廣二尺七分廿四行行字不齊字徑五分許額題皆大宋蒼公碑六字俱行草書在白水

夫蒼公遺教起自軒皇周穆已來始□人天遊在沫

泗之時感鳳凰來儀引□□于飛會水伴留其蹤跡乃

共六□□□□□

缺

章篇製得五部之經達於西域

蒼頡者天生德於

大聖四目重光演

聖皇之

經書克度山川□□之數□□□□

缺

葬之

大

仙諱其

頡字至熹平六年二月二十二日身薨班

宣御禮

勅置塋邱以酒脯掩之以

蒼頡之

初□□

缺

州十道進貢青鳧石室靈堂殯在彭衙□地

東臨北徵之水西接嶠山南望五龍之蒲城北枕高奴

之□□□

空

周公霸業明惠典墳乃於域中取得

蒼公制作之精却向洙泗水邊再集卷章流行宇宙

燮□天下□□未能建官非□

缺

內有百揆四岳外有

州牧侯伯萬國咸甯乃立

太師

太傅

太保惟作

三公論道經邦燮理陰陽仍統六卿共均天下缺冢宰

掌邦治百官均四海 司馬掌邦教主其五典 宗伯

掌邦治於神人和其上下 司馬掌平達邦國 司寇

掌邦缺亂 司空掌邦居和四巳時利六卿感其災害

不至禍亂不作□興 三教豈自 周時天將以

夫子爲木鐸舉缺天地乃將冠者五八童子六七

人吟詠詩章迴至書室知身似於秋露浮生世不長居

從床而起拽杖逍遙倚門歌曰缺頽乎梁木其壞乎哲

人其萎乎 顏回以聰瞻視儼然即知□之也今遇

當金睿化立政除邪 皇文降下諸州管下推尋

賢士先奉

宰君安令就廟檢尋石銘留文墳

塋見在缺 □ 跡記号

蒼頡頂帶仙冠鳳履雙

□ 四眼八 □ 名曰

蒼公具事申 □ 奉

宣開奏諸神廟而毀廢比

靈跡 □ 存留重建殿堂

覆其石室惟

神威靈朗 □ 能貫

百王 □ □

□ 缺 如有信剋期章卷行於宇遺文播教冬庠

文

星墜於凡間

塋內靈安石室禎祥通變保佑彭衙

邑

宰 缺

販敬今有邑眾信士維那司徒稹等知

神明而可託惠眼遙觀紅日爰於長天万像有刑皆

照是以 □ 投

英 □ □ 缺

敢眾力以扶持遂堅心而

應願召集巧匠建殊勝事再葺與揚重雋石記知從訓
者儒中末輩於世懦徒 虔心禱缺神祇便得忝靈
借口未敢書於碑上乃昨經 縣駁呈便蒙 負
外勘詳 思明賜許只忝二乎兩人一主其餘更缺兼
得 負外職函隨文將至額 神恩垂海內利益
群生一切有情同霑此福後述頌曰

蒼公大聖 除邪立口 感應君王 得聞天聰 殿

宇興修 再興石銘 利益郡生 万民皈敬 鳥跡

靈幽 口四缺 墳前石室 万古千秋 准宣勘覆

安令申州 詣實聞奏 古廟存留 肯維大宋

開寶八年 歲當乙亥 大呂缺 莫生十莖 村眾

恭虔 興改脩畢 万代留傳 伏惟 太師弼諧重

職燮理陰陽宏 帝道於仁成闡 皇王之威化口臨

口口口缺作邦国之棟樑播万年之口口 伏維 貞

外 班宣重職 佐国匡朝 彭衙爲宰 化比唐堯

馳聲与旦 翦截隄囂 八食之内 斬令名趙

口充小缺取上効勞 思臨万姓 撫恤曹僚 搆

徹京輦 轉更口高 維那張初 維那甄行滿 鄉

貢三禮韓徙訓製文 鄉貢三禮韓文正書 匠人雷

令寶刻思缺

儒林郎守白水縣令兼監益趙商稅務勅惟一登
仕郎守主簿李文通 專知宜□益務彭□押司
錄事姜懷進 党□□ 知苗鄉貢三禮韓令□
維那 缺

碑陰

四列每列行數字數均不
一字徑五分許行草書

崇明社 邑義如後 一十八人并修覆埵

張初 李□ 張訓 司稭 甄滿 陶朗 李銳

龔過 馮福 龔厚 韓訓 韓筠 甄溫 許斌

韓正 陳□ 陶崇 張琦 唐子張信

社人如後 賀□

陳柔 孫阜 張密 張順 陳溫 張朗 李崇

李福 成寬 楊溫 雷重 雷思 王肇 陳重

張思 陳故 嚴從 劉審 陳瓊 竅美 耿訓

成饒 孫鄴 孫義 孫釗 孫武 孫遠 陳陶陳

福

孫通 陳仙 陳順 陳訓 馮嗣 高進 高秀朱

玠

張珩 張□ 張遂 張暉 成頤 成鐸 成玠

張重 雷嗣 雷景 王陶 王福 李述 李柔

劉韜 許□ 張勗 張進 孫贊 周恩 井村張

□

當肚里正成□羊一口 張訓栗一石五斗 孫遇

諸社施主 徐莊党化成

和蘓 傅玫栗一石二斗 李柔羊一口栗一石

傅柔羊一口栗一石 馮釗羊一口 馮宏栗一石

谷下 庫狄滿駝一領 豐洛張陶羊一口

西□孚 □□駝一領 魚贊栗一石 雷鐸栗一石

樹均 劉明羊一口 徐莊酒務張延嗣駝一領党顯

武炷

武瓊羊一口

張炷

張□

果一石

張璿

張溫

張珣

張璠

右弟
一列

豐義村施主

王饒

王義

楊晏

楊敏

王厚

崔祐

馬遇

蓋義

孟爽

李柔

楊珣

楊釗

党□

王思

樊思

趙福

□嗣

□暉

□思

文順楊寶

同福 李嗣 李義 揚通

龔友 張彥 蓋言 李遇

李趙 龔仙 □春 李進

紀炷社施主

雷通 雷稠 雷美 朱思

李昌 王贊 李福 朱遇

李嗣 紀義 紀嗣 紀美

姜重 姜美 姜嗣 朱進

雍厚

和蘓社 張溫 張珣

傅饒 □嗣 李嗣

故澄党玘劉仙 雷均 傅殷 此行高出兩格

右弟
二列

西章村施主

韓美 雷美 雷表 索肇

雷晏 魚均 魚遠 魚訓

魚朗 武求 武朗 孫遷

雷信 索隱 魚翼 魚祚

武魯 雷礼 武彦 魚肇

魚義 魚頤 魚殷 魚礼

武進 雷隕 索訓 武長

樹歸村施主

摧美 党僥 郭思 郭訓

郭重 雷福 郭密 摧釗

雷贊 雷謙 雷進 郭贊

梁思 党美 郭義

東章村施主劉義 栗一石五斗

王文□ 栗一石 李進 栗一石

劉思 栗一石 李遂 党璠

蘭餘 劉璠 孫通 李達

李贊 李詮 李順 李佶

李豐 甄遠 蘭柔 蘭嗣

劉美 李遇 劉珣 李銳

李岌 劉福 甄訓 耿全

李思 呂思 蘭贊

右弟
三列

山下王庄施主

王翰逸 王遇 王允 雷僥

李溫 婁密 何謙 何遇

田餘 魚思 雷祐 王保

武莊施主

武美 武逢 成福 叙朗

王美 程進 武思 張嗣

王嗣 武順 武義 武贊

房玫 王全 王遂 石重

梁珣施錢伍十文

建德社 雷珣施碑材

丹青前攝同州節度巡官韓文正裝

豐洛社施主 呂福

呂瑯栗 一石 呂垣 呂超 呂嗣

呂斌 張進 呂興 張福 張順

張僊 張文 張珣 呂昌 王美

群英社 陳嗣 馮遇 陳順

雷溫 魏昌 陳言 楊佑 王義

王嗣 王朗

右弟
四列

前延安都督府市令王翰逸施一石 此行在碑尾中間
元祐題名之後

都料董□造碑架 此行在碑尾下
方弟四列之後

元祐八年三月六日曾來 此行在弟四列之後是後
來續題者而未見姓氏

著作佐郎呂大防謁倉頡祠下 嘉祐己亥五月
行在此

碑額正書左
行字徑寸

右修蒼頡祠頌碑并陰在白水文蕪陋且有不可
解語書刻尤率劣了不足觀時值李唐文盛之後
尙有如韓從訓者得與鄉貢可見僻壤荒陬人文
不振非教澤所能濡染今古同之也宋史開寶三
年詔所在有司前代帝陵嘗被盜發者具棺槨重
葬長吏致祭其它無聞据此碑則古昔聖賢凡祠
廟墳塋一並檢尋修葺是可以補史之遺并可以
爲蒼頡廟之掌故也錄之大呂□□莫生十葉蓋
十二月十日也書者韓文正潛研目錄以爲元正

非關中金石記云碑陰列孔子弟子姓名大誤韓
文正署銜稱同州節度巡官同州節度宋稱定國
軍節度王翰逸署銜稱延安都督府市令延安都
督府宋稱延安府碑所題皆唐官故稱前也字體
訛謬不足述民作巨頌詞內又作民世作世不避
匡字向非碑有紀年不幾定爲唐刻邪

沈繼宗造金剛經碑

六石石高二尺七寸四分廣二尺二寸至二尺四寸
五分不等每石三截截廿八行至卅一行不等行十
一字經後題記每行十字惟首行十一字署銜二
行較多字徑七分許正書在開封府繁臺塔內

金剛般若波羅蜜經

般若波羅蜜多心經

修立金剛經石壁功德伏願

皇帝萬歲親王千秋文武勲賢千官百辟長扶

聖代永佐

皇家將吏緇黃諸軍万姓俱臻富壽咸遂樂康次願本宅

尊親永隆福慶闔家卑幼同保安甯然更願天平地成
河清海晏風調雨順歲稔時豐慶瑞畢臻災害不作法
輪常轉佛道興行六類四生三界九地盡虛空界一切
含識俱乘聖力同證真常

大宋太平興國二年歲次丁丑十月戊午朔八日乙丑鄉貢進士趙安仁書

朝散大夫行尚書水部員外郎柱國沈繼宗建

匠人王能鐫

按宋史列傳趙安仁河南洛陽人幼時執筆能大字
雍熙二年補梓州擢鹽院判官會國子監刻五經正
義板本以安仁善楷書遂奏留書之直集賢院王侯
內戚家多以銘誄爲託歷官御史中丞諡文定宋初
去唐未遠所書二經猶有唐人遺意

中州金石攷

十善業道經要略碑

六石石高二尺七寸三分廣一尺二寸至一尺四寸不等三列列廿三行至廿五行不等行十字字徑七分後幅題記銜名廿四行行字大小均不一均正書在開封府繁臺路內

十善業道經要略

唐金紫光祿大夫守中書侍郎兼戶部尚書同中書門下平章事充集賢殿大學士裴休撰

如是我聞一時佛在娑竭羅龍宮告龍王言一切眾生心想異故造業亦異由是故有諸趣輪轉靡不由心而心無色不可見取但是虛妄諸法集起畢竟無主無我所雖各隨業所現不同而實於中無有作者故一切法皆不思議自性如幻智者知已應修善業汝觀佛身

諸相莊嚴光明顯曜諸大菩薩妙色嚴淨皆由修集善業福德而生今大海中所有眾生形色麤鄙或大或小亦由自心造不善業是故隨業各自受報汝當於此正見不動勿復墮在斷常見中當知菩薩有一法能斷一切諸惡道苦何等爲一謂於晝夜常念思惟觀察善法今諸善法念念增長不容分毫不善閒雜是則能令諸惡永斷善法圓滿常得親近諸佛菩薩及餘聖眾言善法者謂人天身聲聞獨覺無上菩提皆依此法以爲根本而得成就故名善法此法即是十善業道何等爲十

一者不殺生 二者不偷盜 三者不邪行

三事爲身業

四者不妄語 五者不兩舌 六者不惡口 七者

不綺語

四事爲口業

八者不貪欲

九者不瞋恚

十者

不邪見

三事爲意業

若能永離殺生即得十種離惱法一

者於諸眾生普施無畏二者常於眾生起大慈心三者

永斷一切瞋恚習氣四者身常無病五者壽命長遠六

者恒爲非人之所守護七者常無惡夢寢興快樂八者

滅除怨結眾怨自解九者無惡道怖十□□□□若

能迴向阿□□□□□三菩提後成佛時得佛隨心自

在壽命 若能永離偷盜即得十種可保信法一者資

財盈積王賊水火不能散滅二者多人愛念三者人不

欺負四者十方□美五者不憂損害六者□□流布七

者處眾無畏八者財命色力安樂辯才具足無缺九者

常懷施意十者命終生天若能迴向阿耨多羅三藐三

菩提後成佛時得證清淨大菩提智若能永離邪行

即得四種智所讚法一者諸根調順二者永離誼掉三

者世所稱歎四者妻莫能侵若能迴向阿耨多羅三藐

三菩提後成佛時得佛丈夫隱密藏相若能永離妄

語即得八種天所讚法一者口常清淨優鉢花香二者

爲諸世閒之所信伏三者發言成諦四者常以愛語安

慰眾生五者得勝意樂三業清淨六者言無誤失心常

歡喜七者發言尊重人天奉行八者智慧殊勝無能制
伏若能迴向阿耨多羅三藐三菩提後成佛時得如來
真實語 若能永離兩舌即得五種不可壞法一者得
不壞身□能害故二者得不壞眷屬無能破故三者得
不壞信順本業故四者得不壞□行所修堅固故五者
得□□□知識不誑惑故若能迴向阿耨多羅三藐三
菩提後成佛時得正眷屬諸魔外道不能沮壞 若能
永離惡口即得八種淨業一者言不乖度二者言皆利
益三者言必契理四□□詞美妙五者言可承□□□
言即信用七者言無可譏八者言盡愛樂若能迴向阿

壽多羅三藐三菩提後成佛時具足如來梵音聲相

若能永離綺語即得三種決定一者定爲智人所愛二者定能以智如實答問三者定於人天威德最勝無有虛妄若能迴向阿耨多羅三藐三菩提後成佛時得如來諸所受記皆不唐捐 若能永離貪欲即得五種自在一者三業自在諸根具足故二者財自在一切怨賊不能奪故三者福德自在隨心所欲物皆備故四者玉位自在珍奇妙物皆奉獻故五者所獲之物過本所求百倍殊勝由於昔時不慳嫉故若能迴向阿耨多羅三藐三菩提後成佛時三界特尊皆共敬養 若能永離

瞋恚即得八種心一者無煩惱心二者無瞋恚心三者
無諍訟心四者柔和質直心五者得聖者慈心六者常
作利益安眾生心七者身相端嚴眾共尊敬八者以和
忍故速生梵世若能迴向阿耨多羅三藐三菩提後成
佛時得佛無礙心觀者無厭 若能永離邪見即得十
種功德法一者得真善意樂真善等侶二者深信因果
甯殞身命終不作惡三者唯皈依佛非餘天等四者直
心正見永離一切吉凶疑網五者常生人天不更惡道
六者無量福德轉轉增勝七者永離邪道行於聖道八
者不起身見捨諸□業九者住無礙見十者不墮諸難

若能迴向阿耨多羅三藐三菩提後成佛時速證一切佛法成就自在神通

右已上是凡夫位中所修十善業道修此業道則常於人天受大福報 若能知心是佛知法無常樂修佛乘

厭離五欲欲自度脫先須度人廣運慈悲濟拔羣品以

此十善爲本而行菩薩妙心是名迴向阿耨多羅三藐

三菩提唐言无上正真道是一切眾生本心一欲證自切諸佛所證更無一法過於此法也

心須觀法性降伏三毒除去我人而發四宏誓願眾生无边

誓願度法門无边誓願學煩惱行六波羅蜜一布施二持戒三忍

辱四精進五禪定六智慧以十善爲修四無量心一慈心二

本而行此六波羅蜜使人菩薩位

悲心三喜心四捨心以十善爲一布施二愛運四攝法語三利行四

本而行此四心便入菩薩位攝以攝衆生便入菩薩位及三十七品助菩提道皆

以十善爲本而次第修行以莊嚴菩提之心拔濟衆生

之苦即得速成佛果超過人天 華嚴經 金剛藏菩

薩說菩薩從第一歡喜地入第二離垢地始能順性行

十善道從凡夫位乃至地前但順理而修佛子菩薩住

離垢地性自遠離一切殺生不畜刀杖不懷怨恨有慙

有愧仁恕具足於一切衆生有命之者常生利益慈念

之心是菩薩尙不惡心惱諸衆生何況於他起衆生想

而行殺害 性不偷盜菩薩於自資財常知止足於他

慈恕不欲侵損若物屬他起他物想終不於此而生盜
心乃至草葉不與不取何況其餘資生之具 性不邪
婬菩薩於自妻知足不求他妻於他妻妾他所護女親
族媒定及爲法所護尙不生於貪染之心何況從事
性不妄語菩薩常作實語實語時語乃至夢中亦不忍
作覆藏之語無心欲作何況故犯 性不兩舌菩薩於
諸衆生無離間心無惱害心不作離間說不說離□語
若實若不實不將此□爲破彼故而向彼說不將彼語
爲破此故而向此說未破者不令破已破者不令增長
性不惡口所謂毒害語麤獷語苦他語令他瞋恨語

現前語不現前語鄙惡語庸賤語不可樂聞語聞者不
悅語瞋忿語如火燒心語怨結語熱惱語不可愛語不
可樂語能壞自身他身語如是等語皆悉捨離常作潤
澤語柔軟語說意語可樂聞語聞者喜悅語善人人心
語風雅典則語多人愛樂語多人悅樂語身心踊悅語
性不綺語菩薩常樂思審語時實語義語法語順道
理語巧調伏語隨時籌量決定語是菩薩乃至戲笑尚
恒思審何況故出散亂之語 性不貪欲菩薩於他財
物他所資用不生貪心不願不求 性離瞋恚菩薩於
一切眾生恒起慈心利益心哀愍心歡喜心和潤心攝

受心永捨瞋眼怨害熱惱常思順行仁慈祐益性離
邪見菩薩住於正道不行占卜不受惡戒心見正直無
誑無諂於佛法僧起決定信

佛子菩薩摩訶薩如是護持十善業道常無閒斷復作
是念一切眾生墮惡趣者莫不皆以十不善業是故我
當自修正行亦歡於他令修正行何以故若自不能修
行正行令他修者無有是處佛子此菩薩摩訶薩復
作是念十不善業道是地獄畜生餓鬼受生因十善業
道是人天乃至有頂處受生因據大經義十善大分爲
上下品細分爲五品此
段是人天十善都爲下品又此上品十善業道以智慧
以其皆不出三界淪迴也

修習心慙劣故怖三界故闕大悲故他聞聲而解了故

是聲聞乘

自此於上品中分為四段此段明聲聞乘十善以其出離三界淪迴不斷煩惱故為上品

以其尚怖三界闕大悲心疾取洹槃且安寂靜故為小乘又此上品十善業道修治

清淨不從他教自覺悟故大悲方便不具足故悟解甚

深因緣法故成獨覺乘

此段明獨覺乘十善以其不從他教自悟甚深因緣法故為

品以其大悲方便尚未具足故為中乘又此上品十善業道修治清淨心

廣無量故具足悲愍故方便所攝故發生大願故不捨

眾生故希求諸佛大智故淨治菩薩諸地故淨修一切

諸度故成菩薩廣大行

此段明菩薩十善以其廣大悲愍不捨眾生淨治菩薩諸地故

上品以其希求諸佛大智一切佛得圓滿未得超過品位故為菩薩乘

又此上上十善

業道一切種清淨故乃至證十力四無畏故一切佛法

皆得成就是故我令守行十善應令一切具足清淨如

是方便菩薩當學

此段明佛果十善以其十力四無畏一切佛法皆成就圓證無有等量故

爲上品佛子此菩薩摩訶薩又作是念十不善業道上者

地獄因中者畜生因下者餓鬼因殺生之罪能令眾

生墮於地獄畜生餓鬼若生人中得二種果報一者短

命二者多病偷盜之罪亦令眾生墮三惡道若生人

中得二種果報一者貧窮二者共財不得自在邪姪

之罪亦令眾生墮三惡道若生人中得二種果報一者

妻不貞良二者不得隨意眷屬妄語之罪亦令眾生

墮三惡道若生人中得二種果報一者多被誹謗二者爲他所誑

兩舌之罪亦令眾生墮三惡道若生人中得二種果報一者眷屬乖離二者親族弊惡

惡口之罪亦令眾生墮三惡道若生人中得二種果報一者常

聞惡聲二者言多諍訟綺語之罪亦令眾生墮三惡

道若生人中得二種果報一者言無人受二者語不明

了貪欲之罪亦令□□墮三惡道若生人中得二種

果報一者心不知足二者多欲無厭瞋恚之罪亦令

眾生墮三惡道若生人中得二種果報一者生邪見家

二者其心諂曲佛子十不善業道能生此等無量無邊

眾大苦聚是故菩薩作如是念我當遠離十不善道以
十善道爲法園苑愛樂安住自住其中亦勸他人令住
其中

右已上是菩薩地中所修十善自凡夫至地前約理而
修登地以後順性而修又十善約分五品人天爲下品
聲聞第二品緣覺第三品菩薩第四品佛爲上品

諸經具明

前注已釋又案經云往昔佛在舍衛國祇陀精舍告舍利弗

若受十善不持八戒終不成就若毀八戒十善俱滅應
當從今清旦至明清旦至心堅持八戒歸依於佛持心
如佛歸依於法持心如法歸依於僧持心如僧入戒齋

者是過去現在諸佛如來爲在家人制出家法一者不

殺二者不盜三者不淫四者不妄語五者不飲酒六者

不花鬘纓絡香油塗身倡優伎樂及故往觀聽七者不

坐高廣大床八者不過中食持此齋戒功德不墮地獄

不墮餓鬼不墮畜生不墮阿修羅常生人中正見出家

得涅槃道十善自可啓告諸佛菩薩堅心受持八戒事須請師依法而受或一日或十日乃至終身

隨力受持永無三惡淪迴之苦右十善八戒是滅罪生福之妙道從凡

人聖之初門不妨俗緣不礙世務不必勞苦不要資財

唯在近取諸身調制三業若未厭生死則常於人天廣

受福德若深求出離則永遊覺路疾證菩提下視三塗

橫截苦海有此大利何若不爲願此浮生早爲身計無
自沉棄後悔難追

十善業道經要略

佛說天請問經

不錄

重立十善業道經要略石壁功德伏願

君王萬歲永致太平臣佐千秋長扶

明盛文武品位中外官寮將吏緇黃諸軍万姓俱臻富

壽咸遂樂康

然次

願天平地成河清海晏風調雨順歲

稔時豐祥瑞畢臻災害不作三塗之罪苦永謝諸天之

福報長崇佛道興行法輪常轉三界九地六類四生盡

於虛空一切舍識乘斯善道同證真如

大宋太平興國二年歲次丁丑十月戊午朔八日乙

丑重建

鄉貢進士趙安仁書

都維那朝散大夫行尙書水部員外郎柱國沈繼

宗

副維那朝散郎守國子監丞監復州權貨務趙全

東頭供奉官銀青光祿大夫檢校兵部尙書兼御史

大夫上柱國吳載

右班殿直沈繼明

朝奉郎守國子書學博士李護

徵事郎試大理司直前守貝州清陽縣令田 誠

前攝河南軍節度推官沈 昉

將仕郎試祕書省校書郎時 貞吉

銀青光祿大夫檢校太子賓客兼殿中侍御史雲騎

尉李 延溫

銀青光祿大夫檢校太子賓客兼殿中侍御史雲騎

尉韓 奉進

鄉貢進士宋 元輿

當寺講金剛經百法論賜紫沙門 志蘊

修塔功德主沙門 鴻徹

十善業道經要略太平興國二年十月立趙安仁正書在祥符相國寺婆塔碑末列沈繼宗趙孚吳載沈繼明李護田誠沈昉時貞吉李延溫韓奉進宋元輿諸人銜名

中州金石記

沈繼宗世卿開封太康人史附其父倫傳署銜與史合惟史不言柱國耳沈繼明或其昆弟趙孚即書碑趙安仁之父也史載其子安仁傳字大信周顯德初進士補開封尉乾德中爲浦江令父喪服闋授永甯令擢宗正丞開寶中主衣庫坐事連逮太宗即位起爲國子監丞官至殿中侍御史賜金

紫此正其復用之時惟史不言監復州權貨務耳
安仁書碑有舛錯處第二石第二列小注衍一而
字第五石第二列小注湜槃湜誤作洹又輪迴輪
誤作淪四者不妄語語字脫寫添列於是行之末

法門寺浴室院靈異記

高一尺六寸五分廣一尺六寸記十七行後題
名五行行字不一字徑五分許正書在扶風

法門寺浴室院暴雨衝注唯浴鑊器獨不漂沒靈異記

古者諸侯亦有史大事書之於簡小事簡牘而已尙采
野史以廣所聞蓋欲明好惡示懲勸以資治本亦爲政

之方也今所書者則府城之東岐山之陽有釋迦如來
真身寶塔因塔置寺寺号法門隨時廢興垂百千祀人
天恭敬龍神守護不思議事豈可殫論寺之東南隅有
浴室院或供會□湊緇侶雲集凡聖混同日浴千數洎
百年已還迄于今日檀那相繼未嘗廢墜早者歲在乙
亥月接林鍾二十日夜戌亥之際飄風忽作驟雨如傾
電火雷車驚魂駭目洪波浩浩莫見津涯黔首惶惶但
冀墊溺泊乎風雨初霽川原始分水注之地悉無完堵
雄浴室鑊器獨不濡濕其水跡上高數尺踰幕而過觀
者靡不驚歎又至丁丑歲秋七月十有八日□丑暴雨

復作驚飆四吹漂溺有情傷害苗稼盈川注壑壞屋頽垣愈甚於前其浴室器用一無霑汚亦復如初意尙慮反道敗德越禮違譙者不悞龍神振怒未能悅心而致於是不然者迅雷烈風何以荐臨於聖境傲誕之輩宜改往以修來懷道之士可加功而用行斯則景風靈雨不期而至矣浴室社長王重順與社衆等早植善根將成法器期生內院猶假外緣於此精懃多歷年所覩茲靈應不可闕書遂請前節度推官毛文恪文而識音至之欲令千古已降斯言不泯咸得聞知時大宋太平興國

三年歲次戊寅四月 記

常年結緣社眾具姓名列之於後

楊延昭 張鐸 索仁義 曹知溫 謝知遠 趙延

昌 王思 董延美 趙景順 李敬順 張思順

李思義 蘭仁美 郭景稠 馬延永 宋廷訓 宋

君武 胡思義 皇甫堯 張溫 曹彥溫 康筠

雷進 趙思順 路從遇 楊知權 李□ 鮮甲筠

張保珣 馬知信 房□ 劉延康 輔□ 孟□

馬知謙 劉□□_{下石泐三字許}

賜紫□□

案太平興國三年四月法門寺浴室靈異記云前節

度推官毛文恪文而識之是記爲文恪所撰特未知
書者何人耳孫氏訪碑錄不著撰人畢氏關中金石
記概云無撰書人姓名殊皆疏漏

金石
續編

右浴室院靈異記在扶風法門寺續編載此缺稠
字及賜紫四字又意作噫審視石刻並無偏旁豈
已磨滅邪拓本闕處仍據續編補之碑書敬驚字
不避諱缺筆里巷所爲無足怪也其敘靈異之蹟
云唯浴室鑊器獨不濡濕水跡上高數尺踰葛而
過殆亦故神其說以眩世耳

八境室金石補正卷八十四終

八瓊室金石補正卷八十五

太倉陸增祥撰

男 繼輝校錄

吳興劉承幹覆校

宋四

廣慈禪院修瑞像記

高四尺廣二尺四寸廿四行行四十字字徑八分後三行字不等篆額失拓正書在陝西咸甯京兆府廣慈禪院新修瑞像記

華山希夷先生陳搏撰

前鄉貢進士楊從乂書丹并篆額

夫以立瑞像者重其本也崇經誥者演其教也像非真

貌故不可以盡文經非了義故不可以復思其謂常心有茲歸向若或覩像如在看經不虛乃響接以必然即因緣之博矣其瑞像者即經藏主僧義省新修也焰輪金灼儀相月圓自假相以裝嚴且託真而教導其諸瞻禮即香燭以載陳其又信心乃夢魂而常在暨乎釋捨中正柔麗大和成六年戰野之功超十地得朋之操因空得性無相成真尙從馴致之能方證圓明之果出諸體化離以言名有顛是從無響不應毫珠電轉心印星羅隨造化以有初莫窮其始育元黃而在後罔測其終任草木以榮枯吾非大覺在陰陽之隱顯吾不自知泊

一氣分元三寸乎用龍馬闢行於上下烏兔分照於東西運變形名陶甄物類剛柔著矣大小數焉將乃指名罔窮元造確乎性也其何言哉且翕斂於四時復含章於萬物□□如來也融光五蘊馳化六虛不可以聲色所言不可以智慧所議既受我命復生我神惟命與神可大可久不化而化不言而言乃謂神極而必通感誠而後應其法相也□與其聲教也自行妙不可表於人寡至不可言乎沙界乃因瑞像略以明辭辭不可盡乎聖理像不可述乎聖容蓋自有情響於福壽者也讚曰

我丞三昧 無終善始 我丞大極 得通善至 履
和盡妙 感誠無思 惟真且忘 惟法是利 匪我
神通 神通自致 匪我法輪 法輪自熾 偉哉像
設 教流大地 大寂淵奧 雲施雨行 大寂圓朗
電激雷驚 或出或處 萬物含英 且易且簡 萬
物生成 至極至變 非色非聲 至感至應 不滅
不生 我法非法 我名非名 誰畜誰洩 自枯自
榮 憶哉瑞像 歸於物情 大樂無聲 且鼓且舞
大權無名 且默且語 我味天供 匪寒匪暑
我聲天樂 惟律惟呂 爲世慈悲 百靈相與

大宋雍熙二年歲次乙酉三月庚辰朔十八日壬
戌僧義省建 武威郡安文璫并弟文璫鐫字

院主賜紫沙門師忠維那惠英大師賜紫師政供
養主僧義全典座僧義能 鄉貢學究拓拔說施

碑石

觀察支使中散大夫檢校尚書刑部員外郎柱國賜
紫金魚袋劉□□

朝散大夫行左拾遺通判永興軍府事柱國王延之
朝散大夫行侍御擢知永興軍府事柱國韓□玘

上列

觀察推官登仕郎試大理評事張擢

節度推官儒林郎試大理評事解汾

殿直永興軍華耀商軋等州同巡檢謝融

以上
下列

右廣慈禪院修瑞像記在陝西咸甯香城寺書法

宗柳宋初石刻學誠懸者不少也曩校續編据筠

清館所載補入此文茲以石本勘之脫譌八字悉

更正焉攷廣慈禪院創始於思遠禪師後周廣順

年賜額內有後晉天福六年賜安審琦宣頭一道

省牒一道宋淳化三年牒一道亦萃編所未錄未

得拓本

朝陽巖題刻廿四段

在零陵

賈黃中送潘若冲詩

高二尺廣二尺八寸五分十一行行十一字字徑一寸五分許

正書書款年月兩行小字字徑五分

七言四韻詩一章送新知永州潘宮贊

若冲赴

任

翰林學士賈黃中上

鴛鴦行中已著名

頒條暫慰遠民情道途行去乘輶貴

鄉里過時晝錦榮鈴閣曉開江月滿戟枝寒照雪峯明
知君游刃多餘暇莫忘新詩寄

鳳城

軍事推官將仕郎試秘書省校書郎潘孝孫奉

命書

大宋雍熙四年中元日鵠

右正書先零陵輯補志時拓手誤遺下二行失其時

次遂疑即是潘衡今補拓改正

留雲龕金石審

永志載此誤試爲兼據石正之潘若冲知永州通志職官誤冲爲仲潘孝孫爲推官省府志均失載賈黃中字媧民史有傳雍熙初掌吏部選除官吏品藻精當史又稱其多所薦引然未嘗自言人亦

莫之知潘若冲或亦所薦引也

郭昭符詩

高二尺七寸廣二尺六寸十八行
行十九字字徑寸許正書帶行筆

秋日同

知州潘贊善朝陽岳閑望歸郡中書事

守太僕寺丞通判軍州事郭昭符

白帝呼龍駕雲族西上金天調玉燭九山聳黛凝不乾

二水飛藍健相續

下空

紫皇詔換魚湏竹

皂蓋朱衫來作牧波神一役

收風湍烈缺先秋靜林麓曾巖照水明朝旭挂壁衝崖
擁奇木山閣吟煙薄暮鍾酒旗拂雨臨□屋放謫身外

光景促短鬢人間片時綠金刀莫□□□□銀□長須

傾美祿梨舂漿酸實才熟橄欖香新味初足盤中笋蕨

堆素絲筋頭□鰾挑青玉怡情日去無羈束逸思涼飄

繞煙谷畫橈淥水沙棠輕朱鞅追風桃花速迴看山下

多麋鹿浩嘆天邊少鴻鵠歸來刁斗轉分明永夜公堂

守幽獨缺二字疑當有空格三格□有神仙属金液空下□□□□□

多□空下

□□□□人得向零陵接高闕空下

□熙□□□□□□□□日立□此下似尚有六七字不可辨矣

右行楷書十五行字體圓渾猶宋初體格惜佚其時

次案官表此人爲真宗咸平初通判所云潘守贊善
即潘若冲乃雍熙時出守舊官表列之太平興國閒
誤也郭昭符當亦是雍熙初通判永州舊官表謂咸
平元年任不知何據

金石
審

右郭昭符詩十八行通志失載永志闕譌甚多据
石補正之屋上所缺宗氏云似溪審之非也畫橈
下宗氏作深審之不甚確姑從之末行第五格隱
約似熙字宗氏謂昭符判永當是雍熙初者可信
矣傾美祿祿字當是祿之譌

陳瞻宣撫記

高二尺三寸廣一尺八寸文十一行行
廿一字字徑七八分前後各二行行字

不等
行書

宣撫記 并序

宣德郎守秘書丞知永州軍州事騎都尉陳瞻

述

聖上以萬寓清夷九有豐稔

明德率踰於古道

至仁允被於羣生爰命近臣特行巡撫勗官守奉

詔條以臨蒞勤恪諭耆老教子孫以忠孝農桑仍示

優恩並加宴設零陵古郡湘水通州有齒危髮秀之徒

凡四百人相與歌詠進而稱曰

我后恤養衰老化洽黔黎雖代厯義軒理稱堯舜未有

念及遐僻 惠加疲羸存問之旨若今日之盛也思

欲明示子孫刻之琬琰俾永遵 德教垂

聖朝無疆之休豈不同快餘年哉瞻任忝親民敢不從
衆乃於郡之西偏巖曰朝陽直記

皇猷就刊貞石

侍禁 閤門祔候擢管轄三司大將軍將荆湖南

北路同巡撫郭咸

朝奉大夫尙書司封郎中擢勾當三班院兼同擢判

刑部荆湖南北路巡撫上

右行書十五行當日蓋有十六行後佚一行耳寄刻

朝陽巖壁先零陵始搜得之

留雲龕金石審

永志三司上脫轄字又髮秀作髮禿似不誤而石刻實作秀意齒危爲老者髮秀爲少者也末兩行巡撫俱作巡檢案大智禪師碑陰呂文仲題名結銜稱巡撫使又紹興二年九月甲子直徽猷閣鄭偉爲陝西巡撫使

見玉海

是宋固有巡撫之稱特不

常置耳此刻不帶使字當亦同之同巡撫者副使也宗氏疑宋無巡撫輒改爲巡檢誤矣

陳瞻詩

高二尺廣一尺三寸五分六行行十字字徑一寸七八分正書

題朝陽巖

秘書丞知州事陳瞻

巖面郡樓前巖崖瀑布懸
曙光分海日碧影轉江天
向暖盤棲鶴迎寒簇釣舡
次山題記屢千古與人傳

咸平三年秘書丞陳瞻題文見零陵縣宗志

湖南通志

右正書六行不著年月零陵補志作咸平三年据官

表也

留雲龕金石審

永志所載脫知州事三字陳瞻湘陰人雍熙二年

梁灝榜進士官至大理寺丞見通志選舉

王羽詩

高二尺五寸廣一尺四寸十行行十六字字徑一寸許行書

朝陽巖詩二章

殿中丞知郡事護軍王羽題

石岸盤危磴煙和曉日濃長桐應待鳳占水必藏龍老
樹藤多附層崖路莫從平磯看浪沒峭壁任苔封蕭韻
生群籟嵐光簇眾峯何時有達士棲此信踈慵

東向水西阿無時物景和松陰不暎戶曉日在煙蘿人
跡如行少山禽似語多清高知隱者塵慮自消磨

天禧戊午歲正陽月記

右正書十行字與潘陳諸刻俱相類戊午爲天禧二

留雲龕
金石審

永志護軍上多兼字石本所無

高滁等題名

高一尺六寸廣二尺二寸八行
行五字字徑一寸五分許正書

虞曹外郎知零陵郡事高滁子淵田曹外郎通守郡事

雷儼仲容同遊皇祐五年八月二十八日子淵題

正書皇祐五年八月在永州府

潛研堂金石
文字目錄

通守雷儼通志職官作推官恐誤

張子諒等題名

嘉祐四年
萃編已載

案右刻極肖顏書

金石
審

右刻在朝陽岩補元厂內萃編及通志永志俱作

淡山岩題名誤

朝陽洞題榜

高四尺四寸半廣一尺四寸半一行三
字字徑一尺許旁款兩行字徑二寸五

分均
正書

朝陽洞

嘉祐五年二月五日

此行在右

張子諒書盧臧題記

此行在左

案張子諒朝陽巖三字在上巖朝陽洞三字在下洞

水涯

金石審

徐大方等題名

嘉祐六年
萃編已載

案零陵宗志作朝陽岩題名恐王昶誤

湖南通志

右刻亦在補元厂內萃編云在淡山岩通志因之

均誤永志季作年仙作僊亦非

梁宏等題名

高二尺二寸五分廣一尺八寸三分
五行行七字字徑二尺許正書左行

臨江梁宏巨卿廬陵董乾粹承君東都張堯臣伯常主
獻可補之治平三季季秋二日偕游

時梁宏爲零陵令董乾粹爲邑掾均見淡岩題名
張堯臣王獻可疑是丞簿而官志均不見其名

鞠拯等題名

高一尺八寸廣一尺九寸六分五行
行字不等字徑二寸許正書左行

鞠拯頂隨安瑜鞏固李忠輔蔣子奇治平丁未秋九月
游朝陽巖

右正書五行左行安字李字下有殘字畫蓋亦磨古

刻爲者

金石
審

鞠拯知永州頂隨任推官均見淡岩題名鞏固字

固道見浯溪王世延題名蔣子奇監酒稅安瑜李忠輔當亦是官於永者

鞠拯再題名

高一尺三寸廣一尺五寸六行行八字字徑二寸許正書

熙甯

改元守倅沒儀

鞠

拯四明魏羔如

上

己日瞻敬火

星巖遂

遊朝陽洞境趣

幽絕

莫名其狀徘徊

盡樂

因筆

以紀歲月

右鞠拯等再題名六行行首失拓一二字據志補

注於旁魏羔如倅永州通志不載

蔣僅題名

高一尺九寸廣九寸二行行五字四字字徑三寸半

蔣僅屢遊元豐乙丑題

三岩均有是刻萃編僅錄淡岩一種

重刻蔣之奇西亭詩

高二尺四寸廣三尺詩十九行行廿字跋五行行十七字字徑

寸許

正書

遊朝陽巖遂登西亭詩

有序

朝陽巖在瀟江之西去治城不遠永泰二年元次山爲

道州刺史詣都計兵至零陵訪而得之以其東向遂名

曰朝陽方是時結有盛名於世故永之

守丞

獨孤慚寶

必爲之剪荆棘建茅閣結又爲之銘與歌其後柳子厚

繼爲之詩而朝陽之名始大著予至永則

遷

之登其巔

有閣焉其名不雅予以子厚詩考之正所謂西亭者也

遂復之爲西亭而系之以詩云

下空

昔遊必在遠幽巖臨治城

欽岑俯瀟碧摩谿延陽明

緣

澗可往

入滑路

偈仄行澗泉自何來涓涓玉銛鳴

疑穿

雲

雷窟尙帶魚龍腥寒江淨瀉鏡性石森開屏幽鳥馴

可羅潛蛟深莫習梯險接層棧冠顛聳危亭俯睨極元
宿仰攀窮青冥褰曠出物表高靈挹元英惜哉非吾土
不得憇此生舊業寄陽羨故園依晉陵松風瀟湖白春
色頤山青一從紳笏去遂使猿鶴驚迂踈暗時機孱瑣
叨官榮謫弃分所宜媿惡顏已盈人生詎有幾世累吾
方輕願言解羈紲上疏還簪纓甯居召竟鬼恬養休性

情紛華屏外慕冲澹嚴中局窮年伴農圃畢志先疇耕
空下

朝陽巖西亭近世相傳失真治平丁未中□穎
牀田御史謫官道州始考正其名而作是詩余
過零陵語太守周聲遂刻之巖石□異時不
失其傳也元祐四年四月二十日德興張綬題

進士□齊書

右正書二十四行前人罕有授及者蓋亭圯崖斷椎
拓畏阻所致今得之爲至幸也金石審

右蔣之奇西亭詩通志失載永志所錄遂名曰朝

陽遂誤作更永之守丞誤作永州之守并多空一格則遊之遊誤作邀并缺之字遂復之爲西亭缺復字丁未中下少一字余過零陵余誤作今又案永志名勝載此計兵上無詣都二字遂名下無曰字祕作泌繼爲之詩下無而朝陽之名至不雅廿四字遂復之爲西亭作復爲之亭四字系之以詩云作系以詩曰四字澗泉作泉源森作坐元窻作坎窻窻作蹇惡誤刊作惡要當以石刻爲正而石刻所缺則據以補注於旁通志山川內所載首句作必在遠都計兵作避兵二字漏作隔餘與永志

名勝略同張綬官志云德興人永明令唯跋云余過零陵語太守周處厚刻之巖石其語氣不似縣令案張綬五峰巖題名示被旨督捕邵永蠻寇裔巖詩刻云權提點荆湖南路刑獄公事則非縣令矣志蓋誤耳

裴彥英等題名

高一尺六寸廣一尺八寸五行行七字字徑一寸二三分正書

江陵裴彥英俊明蘇臺許師嚴希道宜春夏侯績公懋元祐庚午七月日同遊僧法達續來

右刻正書五行前人未見

金石審

右裴彥英等題名上有近人妄刻周宅寄名等字

通志失收永志同誤作日續誤作隨案許師嚴時
爲零陵令則裴彥英當是永郡幕僚然官志不見
其名庚午爲元祐五年

程博文等題名

高二尺四寸廣一尺二寸五
行行七字字徑三寸許正書

元祐壬申季秋庚子日同臨川劉蒙資明原武邢恕和
叔來遊朝陽洞鄱陽程博文敏牀書

案右刻見零陵縣志据石鼓山題名程敏叔有行
部湘東之語則敏叔必官荆南提刑轉運者

湖南
通志

右正書五行字徑數寸

金石
審

通志職官劉蒙知永州不詳里貫此署臨川可以

補之邢恕監酒志云陽武人陽蓋原字之誤當校
正之程博文不見於官志王申爲元祐七年又案
閩書程博文樂平人元豐間知州事政尙寬平以
僧牒募民鑿黯淡之險行舟無患歷官司農少卿
當即此題名之人此刻在元祐當是自閩易湘者
其稱司農者最後之官階也

劉蒙等再題名

高一尺五寸廣一尺八寸十行行八
字字徑一寸二三分正書帶行筆

臨川劉蒙資明守零陵原武邢恕和琳責監鹽酒稅長
沙從事南陽周玠元錫公檄過郡同餞倅海陵阮之武
子文揀兵營道置酒滄洲亭遂遊朝陽洞是夕子文宿

火星崑僧舍元祐八年癸酉四月十一日記

案右刻見零陵縣志倅舟下當有脫字莒道恐是
營道之謫阮之武時通判永州見淡山崑劉蒙題名
湖南通志

右行書十行倅字下當是海字莒道實營道末尙有
記字金石審

右劉蒙等再題名瞿氏未見拓本故仍縣志之謫
宗氏似見之而所錄仍未更正何邪通志職官失
載周玠阮之武二人滄洲亭永志云在朝陽洞臨
江而不詳其建置之始

邢恕題愚溪詩

高一尺六寸廣二尺詩十二行行十三十四字後四行行九字字徑寸許

行書

溪流貫清江湍瀨亘百里龍蛇幾盤紆雷雨忽奔駛石
渠狀穿鑿怪物力祖誰氏突如見頭角虎豹或蹲峙橫
杠互枝柱小艇俄紛委蘋藻翳泓澄松竹蔭厓洩兩山
東鳥道側岸數魚尾繚然闕深幽梵宇疊危址鍾唄雜
灘聲亭臺森水底凭欄幾游目杖策時臨履酒杓間茶
鐏棋枰延晝晷放懷得天倪清嘯謝塵滓忽忘兒女縛
似接嬴秦子顧予拙謀身霜鬚颯垂耳雅意在延齡丹
砂夙充餌焉得茲結廬帳念遠桑梓

右題愚溪寄刻朝陽巖石之左元祐八年癸

酉十二月丙辰時謫零陵將去矣原武邢恕

和

行書十四行字參子瞻君謨之體

金石
審

右邢恕愚溪詩寄刻朝陽岩通志失採永志未錄

其詩云見名勝志檢以校之清嘯作清肅或刊刻

之譌也又石刻魚尾尾字作屋不成字蓋石泐耳

又通志山川內載此作朝陽洞詩蓋以寄刻而誤

也狀作伏枝作棟深幽作深山嘯作肅兒女作女

兒均誤

邢恕獨遊詩

高一尺三寸五分廣一尺四行行字不等徑寸許款一行字較小行書左行

獨遊偶題

頽然一睡豆巖溜向潺湲而几即山郭寂無人世喧

邢恕和詩

行書在永州府

潛研堂目錄

右行書五行極似蘇書詩見名勝志

金石審

右刻在流香洞右當與愚溪詩同時所刻通志山川內載此尙有一首云濯足臨澄碧和雪卧石室淅瀝天風生披襟當呼吸石本無之或別有一刻也

魏泰詩

高一尺五寸五分廣一尺六行入字字徑寸分許行草書

朝陽洞

七鑿混沌死萬變從此生海水能幾何呿口下渴鯨歸
期不可晚霜日背林明

魏泰

前於楊巨卿題名內見道輔二字疑是魏泰適得泰
此詩審其名上剝蝕處上存臣下存丁其下似書干
支而不可辨當是甲寅乙卯之閒也攷宋史歐陽修
傳泰嘗橫行漢南規占田園特爲會布婦兄布執政
後又譖修之子棐於布其所作臨漢隱居詩話極諷

永叔信非正人即其論詩以有味爲主此詩六句安

見其有味乎

金石審

右魏泰詩不見年月通志未載永志列於熙甯云
名上剝蝕處上存臣下存丁以拓本諦審之殊無
所見宗氏之言未可盡信也案魏泰名見於淡巖
李昭輔題名係崇甯甲申所刻此刻當系於崇甯
初庶幾近之朝陽洞上宗氏增一題字今亦無所
見不可晚誤作不妨晚

黃庭堅題名

高廣不計六行行字
數大小不一正書

崇甯三年三月卒丑徐武空下

陶豫黃庭堅及子相僧

崇廣同來

朝陽岩洞門左右石壁如半環黃山谷題名於壁磨

石鐫之

零陵縣志

右山谷題名瞿氏宗氏皆未之見今始搜得之拓本分兩紙陶豫以上爲一刻後二行爲一刻審之前四行亦是山谷手筆殆分刻左右也徐武爲永州司法參軍見通志職官陶豫見浯溪詩刻徐武下似無字

朱彥明等題名

高二尺廣一尺六寸五行行六字字徑一寸八分許正書

朱彥明宜春劉聖澤長樂韓陟明崇

甯

乙酉

□□□□同□

行書四行末一行蝕

金石審

通志失載朱字上右角石泐甯字已漫漶永志乙誤作元酉字存上半宗氏未審出末一行亦未見

黃彰題名

乾道七年萃編已載

禔禔誤校

案零陵宗志作澹山岩題名文中朝陽下多澹山二

字

湖南通志

彪父省志誤作彪文零陵補志作澹山者亦誤

金石審

右刻在補元厂內蒼崖永志作厓又案省志不作

彪文

王淮題名

慶元六年
萃編已載

庚申

石刻如此
王作庚

王沆

沆誤
作沆

朱致祥

缺末
字

回飲朝陽洞

缺

字

浙中三茅觀胡渠題名內有北嶽王沆叔甫者蓋
即此題之王沆也彼題於嘉定十年後此十七年
萃編卷一百三十四載朝陽岩題名六段茲復得
二十段張子諒徐大方兩刻萃編誤列於澹岩今
更正之又補正二段共廿四段永志所載尚有王
淮刻米襄陽秀巖二字及元祐癸酉孫覽題名未

之見也

崔承業造心經題字

高一尺七寸三分共廿二行行十六字字徑七分後三行不一正書

般若波羅蜜多心經

院主表白大德惠崇

端拱元年戊子閏五月丙戌二十六日辛亥造

衙內都虞候銀青光祿大夫檢校太子賓客兼殿

中侍御史雲騎尉崔承業伏願

太尉千秋闔宇清吉

鑿字董緒

重刊上清太平宮鐘記

端拱元年九月七日
萃編載卷一百廿五

高七尺廣三尺九寸上截元大德年重刊碑記三十四行正書下截高四尺七寸廿八行行四十三字字

徑寸許行書末二行
正書亦元人所題

趙偉偉誤

體元

元符

並失記

廟諱利器

器作

舞千

千誤

征作趨勇

缺趨

畝作

元象

失記

廟諱象誤像

廣

誤

武

誤籍作

太元重刊上清太平宮碑之記

洪惟

國家

列聖相承欽

天崇道臣服萬國子育黎元凡海內名山嶽瀆仙宮

道觀列諸祀典者遣使馳駟騎捧

御香投龍辟嚴醮祭為民祈福者殆無虛歲崇敬之

盛古與比本宮係

翊聖降靈之地

皇帝祝釐之所其琳宇名勝爲秦中福地之冠昨因
金季兵厄廢蕩一空

國家撫定之後純德妙成劉真人承清和大宗師命
俾任興復庀徒肅事工作大舉至元十一年夏四月

皇帝特降

璽書加護本宮令告

天祝

壽除免諸役暨累奉

諸王令旨降香懸旛頒賜金幣及承

省府

總府榜文禁戢諸人毋得搔擾務使薦意

興修精嚴焚誦其

恩命可謂至渥矣比者諸殿已建百度具舉惟此建
宮碑銘曩曰回祿剝裂字文雨蝕風摧日就零落若
但坐視其弊煎而不措則非特斷喪前賢英文偉翰
泯沒創宮祖意亦上負國家寅奉興崇之隆惠歸
其所咎則職在焚修者詎可逃追茲提點李志真實
任其責也惴惴然不能自己一日會議於眾折衷於

誼遂輦石於山模倣元文而重刻之目爲是宮無窮之龜鑑仍屬紹庭紀其始末於碑之端吁可謂見幾而作者也易曰形而上者謂之道形而下者謂之器器有盡道則無盡碑云固矣爲器則有盡惟至道無弊垂亁與天地無窮碑已復完豈惟秉宮記之傳將以形而上者之道祀延

國家億萬斯年社稷無疆之休亦且見臣子歸美報上之誠不其踴歟志眞一舉而兩得矣大德六年二月既望 承直郎雲南諸肅政廉訪副使馬紹庭再

拜謹記

沖和崇教通元大師上清太平宮提點李志真

重立

碑上截刻元馬紹庭重刻碑記王氏固未之見也
記不言鐘蓋因重刊太平興國年太平宮記碑而
作此記及鐘記當即在宮記鐘記碑陰也碑係行
草王氏以爲正書失之碑多行體王氏悉以洪武
體錄之不具述

龍興寺鑄像修閣碑

端拱二年正月十五日
革編在卷一百二十五

少府監

缺監
字

佻山之琬琰琬誤石不朽朽作算口口誤梁木斯壤木斯誤本

其流形缺形字以見毀缺字順乎人缺乎字規天地缺規字七

十三尺缺尺字彌高缺高字星拂旋題缺星拂二字十尋缺尋字五

兵缺兵字𠂔不來缺來字苾莠缺苾字羅其缺羅字如是緣如是誤

也西方西誤四淨利利誤財則求福念起香花缺求福念香四字

右碑田錫撰吳郢書并篆額錫宋史有傳傳載錫以

太平興國八年轉起居舍人判登聞鼓院以本官知

制誥尋加兵部員外郎與碑列銜正合史稱端拱二

年京畿大旱錫上章忤宰相罷爲戶部郎中出知陳

州立碑時在正月錫尙未罷斥也吳郢無攷王世貞

弇州山人藁有大相國寺碑銘咸平四年宋白撰吳
郢書并篆額當即此人其列銜爲翰林待詔將仕郎
□少府□主簿御書院祇候賜緋魚袋少府上下各
泐一字上當是試字下是監字職官志試秩內有寺
監主簿又少府監舊制判監事一人以朝官充元豐
官制行始制少監丞主簿各一人此碑在端拱時而
即有少府監主簿則志所言者誤又選舉志云銓法
凡流外補選御書院翰林待詔書藝祇候十年以上
無犯者聽出職職官志云流外出官格御書院待詔
五年出左班殿直書藝十年出右班殿直御書祇候

十五年出借職並補正名後理據此則待詔祇候年
滿當出右職而郢之列銜爲少府主簿案洛陽縣瀆
化閒田京白馬寺記其書碑人列銜爲翰林院待詔
祕書丞同正兼御書院祇候又登封縣天禧三年中
獄醢告文書碑人劉太初列銜爲翰林待詔行少府
監主簿則史所云待詔祇候出職之制亦不盡然或
史據元豐官制後言之也龍興寺鑄象建閣事寺僧
惠演記載之最詳惟奉命鑄象建閣之歲惠演及紹
聖四年葛繁記並作開寶二年而此碑獨云乾德中
命重鑄大悲象碑係奉勅所撰且去鑄象修閣時未

久不應有誤當從此碑爲正又碑載周顯德中世宗
詔毀銅象鑄錢象壞之際蓮葉中有字云遇顯即毀
云云事詳惠演記周世宗毀象鑄錢歐薛二史不詳
其事資治通鑑有之玉海周世宗顯德二年九月丙
寅詔禁天下銅器始議官鑄錢毀天下銅佛以鑄又
僧贊甯宋高僧傳唐鎮州大悲寺自覺大厓中發願
造鑄大悲象用赤金鼓鑄成高四十九尺梵相端嚴
眼臂全具至周顯德初勅鑄九府圓法天下銅象一
例除毀時州人相率出錢贖此相不允登即鑪橐銘
治從頂至胸旋收銅汁斯須計料匠氏暴卒自此罷

工追宋太祖神德皇帝追鑄令全代懺前事云云可
證鑄象之爲乾德而非開寶矣

常山貞石志

常山貞石志載此文譌缺與萃編悉同殆即据萃
編錄入耶惟不朽之朽又誤作休

鄧王錢俶墓誌

方一尺九寸四分五十三行行五
十二字字徑五分正書在洛陽

大宋故安時鎮國崇文□武宣德守道中正功臣武勝
軍節度鄧州管内觀察處置等使開府儀同三司□太
師尙書令兼中書令□□節鄧州諸軍事鄧州刺史上
柱國鄧王食邑九万七千戶食實封壹萬陸千玖伯戶

賜劔履上殿書詔不名追封秦國王墓誌銘

金紫光祿大夫行鴻臚卿上柱國邯鄲縣開

國伯食□七百戶慎知禮撰 鄧王府都押

衙兼知表□□□守良□

代天之工必崇高而啓其緒成物之務惟光大以垂其

式戴 元后總群牧開國承家守宗廟祭祀者崇

高而有之秉聰明正直□偉也綏中國遏四夷興義撥

亂息生民戰伐者光大而有之達進退存亡其難乎粵

若 高明下濟駿極上昇元黃其□□□□□身

而及諸人發于家而顯于國致代天之用用而克濟宣

成物之任任而有終迹賁丹青聲融金石者得之於

□朝矣

王諱侁字文德彭城人也唐季

不嗣

我烈祖武肅王啓五諸侯翽式遏寇虐世

位以德

我顯考文穆王率十連帥□□□王克

有志四方克開厥後世勲顯矣盟府存焉王以立賢

之義而嗣基以稽古之訓而爲政非六籍不任非五常

不履叙人倫□教化詩以凖其源申典故發訓誓書以

體其要共祭祀分吉凶禮以通其變和神祇平風俗樂

以中其節動靜施舍不離聖賢之域者□易以幾其道

損益制度不忘諸侯之職者春秋以守其法服膺而行

則罔弗詳脩惟仁執心以義應物禮持慎脩之柄智懸
廣照之源信以□之美全用也率性而動固咸克終始
雖服色正朔回夏而每殊於訟草禮樂征伐尊

周靡變於艱難專征方國續戎祖考脩車馬繕甲兵
克勤小物用戒戎作四郊之脩有嚴于外養民力謹邦
賦因地之利任土作貢三壤之共有勤于上豚殘去殺
累仁思於百年保大之功啓明聖於千載

太祖神德皇帝有舜元德續周鴻緒威懷廣運光
靈彤響顧我早攀鱗翼潛合江河之順遠傾肝膈

皎如日月之臨元子奉於賢生大夫旅於庭實將順

匪解同寅用光朝饗叙班爵命申錫則推乃

睠皆越維常緇衣二世將賴武公之力朱旗兩鎮是命
伯禽爲後九服之異焉四國無擬者繇是南面專委

東夏開寶甲戌中江淮拒召帷幄議兵有事干戈錫

我鈇鉞王祗承天百肅將帝威樓

櫓合而足以長驅鉦鐻嚴而先之大講方叔伐鼓整六
師而東下小白齊車載遷主而西討敷用七德七德有
常勤脩百役百役咸舉時雨相慶捷月屢成金旣聲而
敵奔刃不血而兵戢降土啓封於安樂勲臣議爵於

靈臺既橐武庫之兵始展

明堂之觀一之見

太陽照爲慶色再之會

湛露酌爲華滋心朗德融

禮尊事極頌太師無窮問魯道有光策相國第一功漢

章斯舉

詒就國耿駉駉之未久會同軌泣攀

龍之不迴

下空

今聖上五讓纘於

慶基三揖迪於古訓駿奔萬

里象魏載朝山龍煥容雲天需樂入則伯舅以均

禮出則

師老以仁恩

朝廷於是尊賢摛紳有以

觀德迹諸體望軼彼古今王惟日光華在辰文

思當二無外者三代之化有道者萬方所歸藩輔固

而竄宇甯車書通而天地一舉千乘之重請藉有司炳
三台之明願拱宸極于再于三而伏奏

拜手稽首以昌言 詔曰錫山土田啓國淮海 王

其輔我子也建侯獻地何慙於隴西從家誠喜於關內
禮之異數史不絕書寒暑推移雨露優渥燭蕭配祖郊
報屢嚴行葦厚賢并賦滋廣 王震盛彌儉守溢惟冲
以疾罷朝以告环攝恭德自懼爰居匪甯則曰大元帥
之任人臣本於綏難明天子之育黎獻方務止戈而土
既甯寶惠不開於將幕 北辰已正子儀亦解於兵
符表廢置之權述 昇平之遇畢於克讓三乃曰俞

汚漢南邦其稱甚偉茅土錫祚移命益尊自誠而明者
寅畏之深利有攸往者優適之美南陽故土近地䟽封
讓國重表於穰中爵王兼陟於許下卧龍之野荒龜即
都小大咸和文武是式三推

帝藉展慶華

戎一字 王封即真樊鄧至於文昌之總百揆紫微之
受萬機時叙二司 具瞻三紀方將道合 軒問禮贊

乾封垂恩言於辟應鸞康歌於 衢室福善虛應道

疾彌時 降輦輶之侍鑒飛二星之 中使交馳

驛路咫尺 帝音 君臣之間始卒厚矣鳴

呼動靜相倚吉凶靡常徒致請於幣玉終有摧於棟梁

彼元化之淖溷此人事之淒涼端拱元年秋八月二十四日薨于府署享年六十

皇帝聞哀撤懸悼往出涕 尊伊之設華冕表霍之用

黃腸誅行於素旆追終于玉冊 特詔輟視朝七日遣

太中大夫尚書工部侍郎郭贇持節冊命追封秦國王

太常考謚曰忠懿中常侍臨奠恤哀大行人脩物護葬

申命 貴近以專總督喪所給者 詔加等焉孟冬十

一日 啓柩于鄧牆柳埽載萋萋野色耆艾攀擁哀哀

路音二十有五日館喪于 京師之東墅越二年正月

十五日葬于河南府洛陽縣賢相鄉陶公里禮也 元

妃孫氏賢爲女師化被 王國

先朝肆覲后車

錫命冊妃之典自 王而始祿鞠方茂瑤華先秋繼室

以楚國夫人俞氏子八人 嗣安遠軍節度使開府儀

同三司檢校太師兼中書令蕭國公惟溶性受天和美

存 世濟文武二府侍膝爲海內之榮 忠孝一家匪

躬存天下之式 生盡其養喪過乎哀 次鎮國軍節

度使特進檢校太師惟治發揮符采含吐英華殿大邦

於雙油廣 崇教於三戟次濰州團練使惟道次昭州

刺史惟灝次武衛將軍惟潛次從樺法名淨照次衙內

都指揮使惟演次衙內指揮使惟濟善有餘裕秀發其

華友于 閨門見孔懷之兄弟達於 邦國知必大之
子孫女七人長適河東裴祚次適錢塘元象宗次適汝
南慎從吉次適故富春孫誦早亡次適富春孫誘餘則
并年而猶室爰皆苴麻泣血樂棘變容生而知之禮無
違者

王稟奇骨之峻削受正性於恬愉體貌
肅如神氣穆若語默存道動靜求仁靡尚豫遊頗遵儉
素愛人善愈於已能聞人過率以情恕 推誠於下擢

才不疑儒雅 自覲名教胥樂百家窮覽六義研機載
笑載言咸本事實曰興曰比動即編聯所著詩爲政本
集亦志在其中矣六書異體五射名法必有所尚皆造

其微 思輔仁壽之化頗尊天竺之教浮休內達惻隱
兼濟魚鱉不夭草木恐傷終乎不自荒甯以克永世大
矣哉當 王位崇高以聰明正直盡人臣之能事泊

王功光大以進退存亡服 聖人之格言得不謂盡善

盡美於斯者乎洪惟 武肅王克慎厥始 文穆王克

和厥中泊 王克成厥終 三后叶心四方是則語忠

臣孝子者百世可知也嗚呼哀哉清洛旁注碧蒿遙峙

邱壠前後雲樹迤邐風茄酸骨兮曉凝霜籟斷魂兮夕

起吊千古方謂何嘆九原方已矣若夫 世族之始命

官之次則總列於 廟碑具存於 國史約 莫

京之德恭述叙焉申無愧之辭泣爲銘爾銘曰

諸侯有土孰爲尊主表率鷹揚我祖之武

庶邦冢君孰爲世勲奉承燕翼我宗之文

以賢爲嗣文武不墜政刑交脩干戈有備

惟聖建中車書大同玉帛奉職圭瓚饗功

將命徂征問儀請覲光大成績周旋履順

五瑞既輯萬方載會君子知微聖人無外

全吳之墟賦千乘車獻爲內地恭乎顯諸

南鄧之野錫五色社往即新邦寵之優也

煌煌紫垣三后折裂戔戔明堂一柱摧折

君恩天地 臣心日月 存亡跡均 哀榮事絕
有國有家 芳世烈輝光 乃相乃俟 芳慶祚靈長
身委道 芳終萬化 葬脩物 芳刑四方 地茲域 芳
秦筮有常 垂斯文 芳德音不忘 誌□孝之墓者
有□國王

右鄧王錢俶墓誌在洛陽存古閣錢俶史附其祖
鏐傳俶先名宏俶以犯諱省俶繼其兄侑而立誌
云以立賢之義而嗣基不明言廢立之事殆有所
諱耳宋興授天下兵馬大元帥乾德元年改賜承
家保國宣德守道忠正恭順功臣開寶五年改賜

開吳鎮越崇文耀武宣德守道功臣歸朝賜甯淮
鎮海崇文耀武宣德守道功臣誌標題云安時鎮
國崇文□武宣德守道中正功臣與傳載異當是
後來改賜者史未之詳也武上所缺是耀字可據
傳補之其云武勝軍節度者雍熙四年所授也云
開府儀同三司□太師尙書令兼中書令者尙是
舊稱開寶八年拔常州有功加守太師也太師上
所缺當是守字云鄧王者端拱元年所徙封也云
食邑九万七千戶食實封壹萬陸千玖百戶者傳
惟云太宗即位加食邑五千戶從征太原還京策

勲加食邑二萬戶食實封二千戶而已書詔不名者傳云太宗即位請詔書稱名不許云賜劍履上殿者則不見於傳矣傳云乾德元年遣使入貢誌所稱元子奉於贄生大夫旅於庭實者即此傳云命爲昇州東面招撫制置使以禁兵步騎千人爲前鋒復率水陸兵從平潤州進攻金陵上召進奉使任知果諭旨可暫來與朕相見以慰延想之意誌所稱江淮拒召帷幄議兵有事干戈錫我鈇鉞及既襲武庫之兵始展明堂之覲者即此傳云即日宴長春殿又云時詔其父子宴射苑中誌所稱

再之會湛露酌爲華滋者即此傳云太平興國三年三月來朝遣四方館使梁迥至泗州迎勞命齊王廷美陪宴於迎春苑召對崇德殿仍命劉鋹李煜陪宴長春殿又召宴後苑泛舟中手酌酒以賜父子皆預誌所稱駿奔萬里象魏載朝及朝廷於是尊賢摯紳有以觀德迹諸體望軼彼古今者即此傳曰再上表乞罷所封國籍其境內所屬州軍并縣戶口兵數悉以上之帝御崇元殿以受改封叙淮海國王誌所稱舉千乘之重請藉有司及錫山土田啟國淮海者即此傳云雍熙元年改封漢

南國王誌所稱沔漢南邦其稱甚偉茅土錫祚移
命益尊者即此傳曰出爲武勝軍節度南陽國王
表讓改許王誌所稱南陽故土近地疏封讓國重
表於穰中爵王兼陟於許下者即此傳云端拱元
年徙封鄧王誌所稱一字王封即真樊鄧者即此
傳云會八月生辰遣使賜器幣是夕暴薨寔二十
四日誕生之辰年六十廢朝七日追封秦國王諡
忠懿遣工部侍郎郭贄持節冊贈命中使護其喪
歸葬洛陽與誌所敘者悉合其如孫氏亦見於傳
開寶五年封賢德順穆夫人九年封吳越國王妃

誌故有冊妃之典自王而始之語太平興國二年
孫氏薨誌故有瑤華先秋之語誌云子八人傳云
七子蓋去淨照不列耳惟濬字禹川以郊祀恩加
檢校太師嗣封蕭國公倣薨起復加兼中書令傳
不言安遠軍節度使漏也惟治字和世侔子倣養
爲己子太宗初領鎮國軍節度倣薨起復檢校太
師後終右武衛上將軍加左驍衛左神武統軍惟
演字希聖初補牙門將歸朝厯右屯衛右神武將
軍後終崇信軍節度此云衙內指揮使者尙是始
仕之職惟濟字巖夫補漢南王府元從指揮使即

誌稱衙內都指揮使者也後終武昌軍節度觀察
使保靜軍留後惟灝惟潛史無傳惟宣并不見其
名傳稱惟灝賀州團練使惟潛左龍武將軍獎州
刺史蓋最後之官故與誌不符元象宗當是元絳
之族絳祖德昭仕吳越至丞相慎從吉即慎知禮
之子字慶之初爲元帥府長史入朝歷將作少監
改太子右庶子換衛尉少卿天禧中以光祿卿致
仕裴祚孫誘無攷誌又云所著詩爲政本集傳作
正本云雅好吟詠編詩數百首爲正本集陶穀爲
之序誌又云頗尊天竺之教案俶嘗建經幢四一

立於乾德三年一立於開寶二年在仁和縣令經
兵燹未卜存亡撰文者慎知禮衢州信安人史有
傳父溫其仕吳越終元帥府判官知禮署校書郎
爲掌書記宋初從俶子惟濟入覲歸署營田副使
入朝授鴻臚卿後歷知陳州興元府書人名守良
不詳其姓書天作反俗譌

八瓊室金石補正卷八十五終